

հ.718211  
24-01-2023թ.  
Նախընտրած ծանուցման ձևը՝  
Էլ.փոստի միջոցով

Հասցեատեր՝ Հարկադիր կատարումն  
ապահովող ծառայություն

Դիմող՝ ԱՐԹՈՒՐ ԽԱՉԱՏՐՅԱՆ  
ՀՀ քաղաքացի  
Հասցե՝ ԱՐՄԱԿԻՐ, 0909, ԱՐՄԱԿԻՐ,  
ՄԱՇՏՈՑԻ Փ., 3բ շենք, 11  
[arevik7979@mail.ru](mailto:arevik7979@mail.ru) : 37493352828

## ԴԻՄՈՒՄ

Հարգելի պարոն Մեղրյան.

25.03.2019 թվականին Հարկադիր կատարումն ապահովող ծառայության (այսուհետև՝ վարձակալ) և իմ՝ անշարժ գույքի սեփականատերեր՝ Ստեփան Ալեքսանդրի Համբարձումյանի և Լարիսա Վոլոդյայի Պողոսյանի լիազորված անձ՝ Արթուր Խաչատրյանի միջև կնքվել է անշարժ գույքի տարածքի վարձակալության պայմանագիր, որի համաձայն՝ Վարձակալին տրամադրվել է ք.Արմավիր, Հանրապետության փողոց, 10ա հասցեում գտնվող անշարժ գույքից 179 քմ ընդհանուր մակերեսով տարածք:

Պայմանագրի 3.1 կետի համաձայն վարձավճարի չափը կազմում էր ամսական **120.000** ՀՀ դրամ:

Հաշվի առնելով, որ նշված տարածքում կատարվել են մի շարք բարելավումներ, անցկացվել գազաֆիկացում և ջեռուցման համակարգի տեղադրում՝ կողմերի միջև կնքվել է համաձայնագիր՝ «անշարժ գույքի վարձակալության պայմանագրում փոփոխություն կատարելու մասին»: Համաձայնագրով փոփոխվել է ամսական վարձավճարի չափը և սահմանվել 01.04.2021 թվականից՝ **300.000** ՀՀ դրամի չափով, որը չի ներառում եկամտային հարկը:

26.04.2022 թվականին Վարձակալի և Վարձատուի համատեղ դիմումի համաձայն դադարեցվել է Հարկադիր կատարումն ապահովող ծառայության անվամբ 25.03.2019 թ. թիվ 1552 պայմանագրով գրանցված վարձակալության իրավունքը: Համաձայն լիազորագրի ամսական վարձավճարը փոխանցվել է իմ անվամբ ՎՏԲ-Հայաստան բանկի Արմավիրի մասնաճյուղում բացված 16009106571611 հաշվեհամարին:

Իմ և սեփականատերերի միջև օրերս կատարված մանրամասն հաշվարկի արդյունքում պարզվել է, որ ծառայության հետ կնքված վարձակալության դադարեցումից հետո վերջնական հաշվարկների փոխադարձ ակտը կնքվել է

սխալմամբ՝ առանց համատեղ մանրամասն հաշվարկի, և արդյունքում ինձ չի փոխանցվել վարձավճարից մոտ **360.000** ՀՀ դրամ:

Բանկային քաղվածքների մանրամասն ուսումնասիրման արդյունքում իմ կողմից հստակորեն պարզվել է նաև տարբերության գոյացման աղբյուրը (այն գոյացել է ծառայության կողմից 2021 թվականի ապրիլ և մայիս ամիսների համար ընդհանուր **600.000** ՀՀ դրամի փոխարեն՝ **240.000** ՀՀ դրամ փոխանցելու արդյունքում), այնինչ, համաձայնագրի 1.1.1 կետով ամրագրված է, որ 01.04.2021 թվականից վարձավճարի չափը սահմանվում է ամսական **300.000** ՀՀ դրամ:

Հաշվի առնելով վերոգրյալը, ինդրում եմ Ձեր միջամտությունը վերահաշվարկ կատարելու և դրա արդյունքում **360.000** ՀՀ դրամ չվճարված գումարը փոխանցելու իմ անվամբ նույն հաշվեհամարին՝ սեփականատերերի հետ իմ կողմից վերջնական հաշվարկ կատարելու նպատակով:

Քանի որ հաշվարկն ակնհայտ պարզ է և որ այն պետք է նաև ամրագրված լինի ծառայության վճարման հանձնարարագրերով, ուստի ակնկալում եմ Ձեր կողմից հնարավորինս սեղմ ժամկետում վերականգնել կրածս նյութական վնասը:

Կանխավ հայտնում եմ շնորհակալությունս:

Հարգանքով՝

Դիմող՝

ԱՐԹՈՒՐ ԽԱՉԱՏՐՅԱՆ